

Mieh Zick

Musik & Text Björn Heuser / Verlag: HEUSERMUSIK, GMO Publishing

G
Bes schön brav saat de Mamm, dat mer kei Klage hööt,
C
bes schön pünktlich, ejal wo, kumm ze fröh, nit ze spät.

G
Loss dat Bier usem Ballich, nemm statt Woosch dat Jemös,
C D G
mer wulle doch all, dat do hundert Johr wees!

Am G/B C
Die Stroß die mer Levvenswääsch nennt,
Am G/H C
hätt zom Jlöck och Ömwääje, die nit jeder kennt!

G C D
Et kütt nit drop ahn, dem Levve mieh Zick ze jevve,
G C D
wichtijer es, die Zick, die mer hätt, met Levve ze fülle.
Am C Am F
Jede Hätzschlaach es e Jeschenk, jläuv nit alles, wat do denks!
G C D G
Et kütt nit drop ahn, dem Levve mieh Zick ze jevve.

Loss dich drage von der Luss mieh vun der Welt ze sinn.
Trau dich Saache, wo do söns immer daachs dat wör schlimm.

Spring vum Zehner en e Meer us Jeföhle un Dräum,
schwimm dich frei, schrei et rus, un tauch janz deef en.

Un wenn do jläuvs, ding Luff wöod knapp,
dann vertrau dinger Siel, un verloß dich drop!

Et kütt nit...